

四庫全書

集部

欽定四庫全書

樂府詩集卷六十七

宋 郭茂倩 輯

雜曲歌辭

輕薄篇

張 華

樂府解題曰輕薄篇言乘肥馬衣輕裘馳
逐經過為樂與少年行同意何遜云城東
美少年張正見云洛陽美少年是也

末世多輕薄，驕或好浮華。志意能一作既放逸，貲財亦豐。

奢被服，極纖麗。肴膳盡柔嘉，僮僕餘梁肉。婢妾蹈綾羅，
文軒樹羽蓋，乘馬鳴玉珂。橫簪刻玳瑁，長鞭錯象牙。足
下金鑄履，手中雙莫邪。賓從煥絡繹，侍御何芬葩。朝與
金張期，暮宿許史家。甲第面長街，朱門赫嵯峨。蒼梧竹
葉清，宜城九醞醖。浮醪隨觴轉，素蟻自跳波。美女興齊
趙，妍唱出西巴。一顧傾城國，千金不足多。北里獻奇舞，
大陵奏名歌。新聲踰激楚，妙妓絕陽阿。玄鶴降浮雲，鱗

魚躍中河墨翟且停車展李猶咨嗟淳于前行酒雍門
坐相和孟公結重闕賓客不得蹉三雅來何遲耳熱眼
中花盤桮互交錯坐席咸誼譁簪珥或一作咸墮落冠冕
皆傾邪酣飲終日夜明燈繼朝霞絕纓尚不尤安能復
顧他留連彌信宿此歡難可過人生若浮寄年時忽蹉
跎促促朝露期榮樂遽幾何念此腸中悲涕下自滂沱
但畏執法吏禮防且切磋

同前

何遜

城東

一作長安

美少年重身輕萬億
柘彈隋珠九白馬黃金

飾長安九遠上青槐
蔭道植穀擊晨已喧肩
排暝不息

走狗東西望牽牛向南
直相期百戲傍去來三市側
象

牀香繡被玉盤傳綺食
大姊

一作娼女

掩扇歌小妹

一作婦

開

簾纖相看獨隱笑見人
還飲色黃鶴悲故羣山枝
詠新

識烏飛過客盡雀聚行
龍匿酌羽方厭厭此時歡
未極

同前

張正見

洛陽美年少朝日正開霞
細蹠連錢馬傍趨首著花
揚

鞭還卻望春色滿東家井桃映水落門柳雜風斜綿蠻
弄青綺蛺蝶遠承華欲往飛廉館遙駐李倫車石榴傳
瑪瑙蘭有真象牙聊待自娛樂未是鬪豪奢莫嫌龍馭
晚扶桑復浴鵝

同前

李益

豪不必馳千騎雄不在垂雙鞭天生俊氣自相逐出與
鷗鶚同飛翻朝行九衢不得意下鞭走馬城西原忽聞
燕雁一聲去迴鞭挾彈平陵園歸來青樓曲未半美人

玉色當金鑄淮陰少年不相下酒酣半笑倚市門安知
我有不平色白日欲顧紅塵昏死生容易如反掌得意
失意由一言少年但飲莫相問此中報讎亦報恩

同前二首

僧貫休

繡林錦野春態相壓誰家少年馬蹄蹋蹋鬪雞走狗夜
不歸一擲賭却如花妾唯云不顛不狂其名不彰悲夫
木落蕭蕭蛩鳴唧唧不覺朱萸臉紅霜劫鬢漆世途多
事泣向秋日方吟少壯不努力老大徒傷悲如何

輕薄行

僧齊己

玉鞭金鐙驕騶蹄橫眉吐氣如虹霓
五陵春暖芳草齊
笙歌到處花成泥
日沉月上且鬪雞
醉來莫問天高低
伯陽道德何涕唾
仲尼禮樂徒卑栖

灞上輕薄行

孟郊

長安無暖步況值天景暮
相逢灞澹間親戚不相顧
自嘆方拙身忽隨輕薄倫
常恐失所避化為車轍塵
此生白髮疾走亦未歇

遊俠篇

張華

漢書遊俠傳曰戰國時列國公子魏有信陵趙有平原齊有孟嘗楚有春申皆藉王公之勢競為遊俠以取重諸侯顯名天下故後世稱遊俠者以四豪為首焉漢興有魯人朱家及劇孟郭解之徒馳騁於閭里皆以俠聞其後長安熾盛街閭各有豪俠時萬章在城西柳市號曰城西萬章酒市

有趙君都賈子光皆長安名豪報仇怨養
刺客者也魏志曰楊阿若後名豐字伯陽
少遊俠常以報仇解怨為事故時人為之
號曰東市相斫楊阿若西市相斫楊阿若
後世遂有遊俠曲魏陳琳晉張華又有博
陵王宮俠曲

翩翩四公子濁世稱賢明龍虎方交爭七國竝抗衡食
客三千餘門下多豪英遊說朝夕至辯士自從橫孟嘗

出東關濟身由雞鳴信陵西
反魏秦人不窺兵趙勝南
詛楚乃與毛遂行黃歇北適秦
太子還入荆美哉遊俠
士何以尚四鄉我則異於是
好古師老彭

同前

王 褒

京洛出名謳豪俠競交遊
河南朝四姓關西謁五侯
鬪雞橫大道走馬出長楸
桑陰徙將夕槐路轉淹留

同前

陳 良

洛陽麗春色遊俠騁輕肥
水逐車輪轉塵隨馬足飛
雲

影遙臨葢花氣近熏衣東郊鬪雞罷南皮射雉歸日暮
河橋上揚鞭惜晚暉

同前

崔顥

少年負膽氣好勇復知機仗劍出門去孤城逢合圍殺
人遼水上走馬漁陽歸錯落金瑣甲蒙茸貂鼠衣還家
行且獵弓矢速如飛地迺鷹犬疾草深狐兔肥腰間懸
兩綬轉眄生光輝顧謂今日戰何如隨建威

遊俠行

孟郊

壯士性剛決水中見石裂殺人不迴頭輕生如暫別豈
知眼有淚肯白頭上髮平生無恩酬劒閒一百月

俠客篇

王筠

俠客趨名利劒氣坐相矜黃金塗鞘尾白玉飾鉤膺晨
馳逸廣陌日暮返平陵舉鞭向趙李與君方代興

俠客行

李白

趙客綬胡纓吳鉤霜雪明銀鞍照白馬颯沓如流星十
步殺一人千里不留行事了拂衣去深藏身與名閑過

信陵飲脫劍膝前橫將炙啖朱亥持觴勸侯嬴三杯吐
然諾五嶽倒為輕眼花耳熱後意氣素霓生救趙揮金
槌邯鄲先震驚千秋二壯士烜赫大梁城縱死俠骨香
不慙世上英誰能書閣下白首太玄經

同前

元稹

俠客不怕死怕在事不成事成不肯藏姓名我非竊賊
誰夜行白日堂堂殺袁盎九衢草草人面青此客此心
師海鯨海鯨露背橫滄溟海波分作兩處生海鯨分海

減海力俠客有謀人莫測三尺鐵蛇延二國

同前

溫庭筠

欲出鴻都門陰雲蔽城闕寶劍黯如水微紅濕餘血白

馬夜頻嘶

一作驚

三更灞陵雪

博陵王宮俠曲二首

張華

俠客樂幽險築室窮山陰獠獵野獸稀施網川無禽歲暮饑寒至慷慨頓足吟窮令壯士激安能懷苦心干將坐自閑繁弱控餘音耕田窮淵陂種粟著劍鐔收秋狹

路間一擊重千金棲遲熊羆穴容與虎豹林身在法令
外縱逸常不禁

雄兒任氣俠聲益少年場借友行報怨殺人租市旁吳
刀鳴手中利劍嚴秋霜腰間又素戟手持白頭鑲騰超
如激電回旋如流光奮擊當手決交屍自縱橫寧為殤
鬼雄義不入園墻生從命子遊死聞俠骨香身沒心不
懲勇氣加四方

遊獵篇

張華

樂府解題曰梁劉孝威遊獵篇云之罘講
射所上林娛獵場備言遊行射獵之事亦
謂之行行遊且獵篇

歲暮凝霜結堅冰
幽泉厲風蕩原隰
浮雲蔽昊天
元雲掩靄合素雪
紛連翩
鷹隼始擊
鷙虞人獻時
鮮嚴駕
鳴儔侶攬轡過中田
戎車方四牡
文軒馭紫燕
輿徒既整
飭容服麗且妍
武騎列重圍
前驅抗脩旃
倏忽似回飈
絡繹若浮烟
鼓譟山淵動
衝塵雲霧連
輕綰拂素霓

纖網蔭長川游魚未暇竄歸雁不得旋由基控繁弱公
差操黃間機發應弦倒一縱連雙肩僵禽正狼籍落羽
何翩翩積獲被山阜流血丹中原馳騁未及勸曜靈俄
移晷結罝彌數澤囂聲振四鄙鳥驚觸白刃獸駭掛流
矢仰手接遊鴻舉足蹴犀兕如黃批狡兔青骹撮飛雉
鵠鷺不盡收鳬鷺安足視日冥徒御勞賞勤課能否野
饗會衆賓玄酒甘且旨燔炙播遺芳金觴浮素蟻珍羞
墜歸雲纖肴出淥水四氣運不停年時何亹亹人生忽

如寄居世遽能幾至人同禍福達士等生死榮辱渾一
門安知惡與美遊放使心狂覆車難再履伯陽為我誠
檢跡投清軌

行行遊且獵篇

劉孝威

之罘講射所上林娛獵場選徒驕楚客詔守誇胡王罕
車已成道風鳥復起行飲飛具曾繳材官命蹶張高置
掩月兔勁矢射天狼蹠地不遑免排虛豈及翔日暮鉤
陳轉風清鏡吹揚歸來宴平樂寧肯帶禽荒

同前

李白

邊城兒生年不讀一字書但知遊獵誇輕趨胡馬秋肥
宜白草騎來躡影何矜驕一作可憐驕金鞭拂雲揮鳴鞘半
酣呼鷹出遠郊弓彎滿月不虛發雙鶴迸落連飛髀海
邊觀者皆避易猛氣英風振沙磧儒生不及遊俠人白
首下帷復何益

遊子吟

孟郊

漢蘇武詩曰幸有弦歌曲可以喻中懷請

為遊子吟冷冷一何悲又有遊子移亦類
此也

慈母手中線遊子身上衣臨行密密縫意恐遲遲歸誰
言寸草心報得三春暉

同前

顧况

故樞思疲馬故巢思迷禽浮雲蔽我鄉躑躅遊子吟遊
子悲久滯浮雲鬱東岑客堂無絲桐落葉如秋霖艱哉
遠遊子所以悲滯淫一為浮雲詞憤塞誰能禁馳暉百

年內惟願展所欽胡為不歸歟坐使年病侵未老霜遶
鬢非狂火燒心太行何艱哉北斗不可斟夜晴星河出
耿耿辰與參佳人賞青天尺素重於金沈寥羣動異眇
默諸境森苔衣上閑堦蜻蛚催寒砧立身計幾悞道險
無容針三年不還家萬里遺錦衾夢魂無重阻離憂因
古今胡為不歸歟孤負丘中琴腰下是何物牽纏曠登
尋朝與名山期夕宿楚水陰楚水殊演漾名山杳嘔歎
客從洞庭來婉孌瀟湘深橘柚在南國鴻雁遺秋音下

有碧草洲上有青橘林引燭窺洞穴凌波睥天琛蒲荷
影參差鳬鶴雛淋泮浩歌惜芳杜散髮輕華簪胡為不
歸與淚下沾衣襟鳶飛唳霄漢螻蟻制鱣鱣赫赫大聖
朝日月光照臨聖主雖啟迪奇人分堙沈層城發雲韶
玉府鏘球琳鹿鳴志豐草況復虞人箴

同前

李益

女羞夫壻蕩客恥主人賤遭遇同衆流低回愧相見君
非青銅鏡何事空照面莫以衣上塵不謂心如練人生

當榮盛待士勿言倦君看白日馳何異弦上箭

遊子移

劉義恭

三河遊蕩子麗顏邁荆寶攜持玉柱箏懷挾忘憂草綢繆甘泉中馳逐邯鄲道春服候時製秋紉迎涼造珍魄暉素腕玉迹滿襟抱常歎樂日晏恒悲歡不早揮吹傳舊美趨謠盡新好仲尼為輟食秦王足傾倒

壯士篇

張華

燕荆軻歌曰風蕭蕭兮易水寒壯士一去

今不復還壯士篇蓋出於此

天地相震蕩回薄不知窮人物稟常格有始必有終年
時俛仰過功名宜速崇壯士懷憤激安能守虛沖乘我
大宛馬撫我繁弱弓長劒橫九野高冠拂玄穹慷慨成
素霓嘯叱起清風震響駭八荒奮威曜四戎濯鱗滄海
畔馳騁大漠中獨步聖明世四海稱英雄

壯士吟

賈島

壯士不曾悲悲即無回期如何易水上未歌先淚垂

壯士行

劉禹錫

陰風振寒郊猛虎正咆哮徐行出燒地連吼入黃茆壯
士走馬去鏖前彎玉弮叱之使人立一發如鉞交悍情
忽星墜飛血濺林梢彪炳為我席羶羶充我庖里中欣
害除賀酒紛號呶明日長橋上傾城看斬蛟

同前

鮑溶

西方太白高壯士羞病死心知報恩處對酒歌易水砂
鴻嗥天末橫劍別妻子蘇武執節歸班超束書起山河

不足重重在遇知己

同前

施肩吾

一斗之膽撐臟腑如礪之筋礙臂骨有時悞入千人叢
自覺一身橫突兀當今四海無烟塵胸襟被壓不得伸
凍隼殘蠱我不取汚我匣裏青蛇鱗

樂府詩集卷六十七

欽定四庫全書

樂府詩集卷六十八

宋 郭茂倩 輯

雜曲歌辭

浩歌

李賀

楚辭屈原九歌曰望美人兮不來臨風悅
而浩歌浩大也

南風吹山作平地帝遣天吳移海水王母桃花千遍紅

彭祖巫咸幾回死青毛驄馬參差錢嬌春楊柳含細

一作

細烟箏人勸我金屈卮神血未凝身問誰不須浪飲

一作

不須丁督護世上英雄本無主買絲繡作平原君有酒

亂舞

唯澆趙州土漏催水咽玉蟾蜍衛娘髮薄不勝梳看

一作

羞見秋睂換深綠二十男兒那刺促

浩歌行

天長地久無終畢昨夜今朝又明日鬢髮蒼浪牙齒疎
不覺身年四十七前去五十有幾年把鏡照面心茫然

既無長繩繫白日又無大藥駐朱顏朱顏日漸不如故
青史功名在何處欲留年少待富貴富貴不來年少去
去復去兮如長河東流赴海無迴波賢愚貴賤同歸盡
北邙塚墓高嵯峨古來一作古今如此非獨我未死有酒且
酣歌顏回短命伯夷餓我今所得亦已多功名富貴須
待命命若一作知不來一作爭奈何

歸去來引

張熾

晉書曰陶潛素簡貴不私事上官義熙初

為彭澤令郡遣督郵至縣吏白應束帶見
之潛歎曰吾不能為五斗米折腰拳拳事
鄉里小兒即日解印綬去乃賦歸去來其
辭曰歸去來兮田園將蕪胡不歸言人生
幾時不願富貴樂天知命故去之無疑也
歸去來歸期不可違相見故明月浮雲笑我歸

麗人曲

崔國輔

樂府廣題曰劉向別錄云昔有麗人善雅

歌後因以名曲

紅顏稱絕代，欲竝真無侶。惟有鏡中人，由來自相許。

麗人行

杜甫

三月三日天氣新，長安水邊多麗人。態濃意遠淑且真，

肌理細膩骨肉勻。繡畫

一作畫

羅衣裳，照莫春。蹙金孔雀銀

麒麟頭，上何所有。翠微

一作為

盦

一作旬

葉垂鬢，脣背後何

所見。珠壓腰褱穩稱身，就中雲幕椒房親。賜名大國號

與秦紫駝之峰

一作珍

出翠釜，水精之盤行。素鱗犀筋厭

飫久未下鷹刀縷切空紛紛黃門飛鞚不動塵御廚絲

絡

一作駱驛

送八珍蕭鼓

一作管

哀吟感鬼神賓從雜還實要

津後來鞍馬何逡巡當軒

一作道

下馬入錦茵楊花雪落

覆白蘋青鳥飛去銜紅巾炙手可熱勢

一作世

絕倫慎莫

近

一作向

前丞相嗔

望城行

王融

金城十二重雲氣出表裏萬戶如不殊千門反相似車
馬若飛龍長衢無極已蕭鼓相逢迎信哉佳城市

東飛伯勞歌

古辭

東飛伯勞西飛鷺黃姑織女時相見誰家兒女對門居
開顏發豔照里閭南牕北牖桂月光羅帷綺帳脂粉香
女兒年幾十五六窈窕無雙顏如玉三春已暮花從風
空畱可憐誰與同

同前二首

梁簡文帝

翻階蛺蝶戀花情容華飛鷺相逢迎誰家總角歧路陰
裁紅點翠愁人心天牕綺井暖徘徊珠簾玉篋明鏡臺

可憐年幾十三四工歌巧舞入人意白日西落楊柳垂
含情弄態兩相知

西飛迷雀東羈雉倡樓秦女乍相隨誰家妖麗隣中止
輕妝薄粉光閨里網戶珠綴曲瓊鉤芳茵翠被香氣流
少年年幾方三六合嬌聚態傾人目餘香落蕊坐相催
可憐絕世誰為媒

同前

劉孝威

雙棲翡翠兩鴛鴦巫雲洛月乍相望誰家妖冶折花枝

衫長釧動任風吹金鋪玉鎖琉璃扉花鈿寶鏡織成衣
美人年幾可十餘含羞騁笑斂風裾珠丸出彈不可追
空畱可憐持與誰

同前

陳後主

池側鴛鴦春日鴛綠珠絳樹相逢迎誰家佳麗過淇上
翠釵綺袖波中漾雕軒繡戶花恆發珠簾玉砌移明月
年時二七猶未笄轉顧流眄鬟鬢低風飛蕊落將何故
可惜可憐空擲度

同前

陸瑜

西王青鳥秦女鸞姮娥婺女慣相看誰家玉顏窺上路
粉色衣香雜風度九重樓檻芙蓉華四鄰照鏡菱花
新妝年幾纔三五隱幔藏羞臨網戶然香氣歇不飛烟
空畱可憐年一年

同前

江總

南飛烏鵲北飛鴻弄玉蘭香時會同誰家可憐出牕牖
春心百媚勝楊柳銀牀金屋挂流蘇寶鏡玉釵橫珊瑚

年時二八新紅臉宜笑宜歌羞更歛風花一去杳不歸
祇為無雙惜舞衣

同前

辛德源

合歡芳樹連理枝荆王神女乍相隨誰家妖豔蕩輕舟
含嬌轉眄騁風流犀棧蘭橈翠羽蓋雲羅霧縠蓮花帶
女兒年幾十六七玉面新妝映朝日落花從風俄度春
空留可憐何處新

同前

張柬之

青田白鶴丹山鳳
嫠女姮娥兩相送
誰家絕世綺帳前
豔粉芳脂映寶鈿
窈窕玉堂褰翠幕
參差繡戶懸珠箔
絕世三五愛紅妝
冶袖長裾蘭麝香
春去花枝俄易改
可歎年光不相待

同前

李嶠

傳書青鳥迎簫鳳
巫嶺荆臺數通夢
誰家窈窕住園樓
五馬千金照陌頭
羅裙一作裾玉珮當軒出
點翠施紅競
春日佳人二八盛
舞歌羞將百萬呈
雙娥庭前芳樹朝

夕改空駐妍華欲誰待

同前

李暇

秦王龍劍燕后琴珊瑚寶匣鏤雙心誰家女兒抱香枕
開衾滅燭願侍寢瓊牕半上金縷幃輕羅隱面不障羞
青綺幃中坐相憶紅羅鏡裏見愁色簷花照月鶯對栖
空將可憐暗中啼

鳴雁行

鮑照

衛瓘有苦葉詩曰雖雖鳴雁旭日始旦鄭

康成云雁者隨陽而處似婦人從夫故昏
禮用焉雝雝和也鳴雁行益出於此

雝雝鳴雁鳴正旦齊行命侶入雲漢中夜相失羣離亂
留連徘徊不忍散憔悴容儀君不知辛苦霜雪一作風霜亦

何為

同前

李元操

聽琴旋蔡子張羅避翟公夕宿寒林上朝飛空井中既
竝玄雲曲復變海魚風一報黃苑惠還遊萬歲宮

同前

李白

胡雁鳴辭燕山昨發委羽朝度關一一銜蘆枝南飛散
落天地間連行接翼往復還客居烟波寄湘吳凌霜觸
雪毛體枯畏逢矰繳驚相呼聞弦虛墜良可吁君更彈
射何為乎

同前

韓愈

嗷嗷鳴雁鳴且飛窮秋南去春北歸去寒就暖識所處
依一作天長地闊棲息稀風霜酸苦稻粱微羽毛摧落身

不肥徘徊反顧羣侶違哀鳴欲下洲

一作洲

渚非江南水

閣朝

一作朔

雲多草長沙軟無網羅間飛靜集鳴相和違

憂懷息

一作惠

性匪他凌風一舉君謂何

同前

鮑溶

七月朔方雁心苦聯影翻空落南土八月江南陰復晴
浮雲繞天難夜行羽翼勞痛心虛驚一聲相呼百處鳴
楚童夜宿烟波側沙上布羅連草色月閣風悲欲下天
不知何處容棲息楚童胡為傷我神爾不曾作遠行人

江南羽族本不少寧得網羅此客鳥

同前

陸龜蒙

朔風動地來吹起沙上聲閨中有邊思玉筋此時橫莫
怕兒女恨主人烹不鳴

晨風行

王循

晨風本秦詩也晨風詩曰歔彼晨風鬱彼
北林傳曰歔疾飛貌晨風鷗也言穆公招
賢人賢人往之疾如晨風之入北林也又

曰如何如何忘我實多益刺康公忘穆公
之業而棄其賢臣焉益部耆舊傳曰後漢
楊終徙於北地望松縣而母於蜀物故終
自傷被罪充邊乃作晨風之詩以舒其憤
也若王循霧開九曲瀆沈氏理櫂令舟人
但歌晨朝之風爾

霧開九曲瀆風起千金隄岸回分野徑林際成牛蹊
鳬
隨落潮去日傍綺霞低望日輕舟隱瑟瑟遠蹇悽還眺

小平急宴語方難齊

同前

范靜妻沈氏

理檝令舟入停艫息旅薄河津念君劬勞冒風塵臨路
揮袂淚沾巾颺流勁潤逝若飛山高帆急絕音徽留子
句句獨言歸中心煢煢將依誰風彌葉落永離索神往
形返情錯漠循帶易緩愁難却心之憂矣巨銷鑠

空城雀

鮑照

樂府解題曰鮑照空城雀云雀乳四轂空

城之阿言輕飛近集茹腹辛傷免網羅而

已

雀乳四轂空城之阿朝食野粟夕飲水阿高飛畏鵙
下飛畏網羅辛傷伊何言怵迫良已多誠不及青鳥遠
食玉山禾猶勝吳宮燕無罪得焚窠賦命有厚薄長歎
欲如何

同前

高孝緯

百雉何寥廓四面風雲上紈素久為塵池臺尚可仰啾

啾雀噪城鬱鬱無歡賞日暮縈心曲橫琴聊自獎

同前

李白

嗷嗷空城雀身計何戚促本與鷦鷯羣不隨鳳凰族提攜四黃口飲乳未嘗足食君糠粃餘常恐烏鳶逐恥涉大行險羞營覆車粟天命有定端守分絕所欲

同前

王建

空城雀何不飛來人家住空城無人種禾黍土間生子草間長滿地蓬蒿辛無主近村雖有高樹枝雨中無食

長苦飢八月小兒挾弓箭家家畏我田頭飛但能不出
空城裏秋時百草皆有子黃口黃口莫啾啾長爾得成
無橫死

同前

聶夷中

一雀入官倉所食能損幾所慮往損頻官倉乃害爾魚
網不在天鳥網不在水飲啄要自然何必空城裏

同前

劉駕

飢啄空城土莫近太倉粟一粒未充腸却入公子腹且

弔城上骨幾曾害爾族不聞莊辛語今日寒蕪綠

滄海雀

張華

大雀與黃口來自滄海區清晨啄原粒日夕依野株雖
憂鷺鳥擊長懷沸鼎虞況復隨時起翻飛不可初寄言
挾彈子莫賤隋侯珠


雀乳空井中

劉孝威

晉傅玄詩曰鵲巢丘城側雀乳空井中居
不附龍鳳常畏蛇與蟲依賢義不恐近暴

自當窮崔乳空井中益出於此

遠去條支國心知漢德優
聊棲丞相府過令黃霸羞
挾子須閑地空井具尋求
輓轡綆絕桔槔冬蘇周將
憐羽翼長唯辭各背遊



樂府詩集卷六十八

欽定四庫全書

集部

樂府詩集卷

六十九至
七十二

詳校官庶吉士臣柳邁祖

助教臣常循覆勘

總校官知縣

臣繆

琪

校對官編修

臣秦

瀛

謄錄監生

臣孫承

基

欽定四庫全書

樂府詩集卷六十九

雜曲歌辭

車遙遙

車 數

車遙遙兮馬洋洋追思君兮不可忘君安遊兮西入秦
願將微影隨君身君在陰兮影不見君仰日月妾所願

同前

孟 郊

路喜到江盡江上又通舟舟車兩無阻何處不得遊丈
夫四方志女子安可留郎自別日言無令生速愁旅雁
忽叫月斷猿寒啼秋此夕夢君夢君在百城樓寒淚無
因波寄恨無因輒願為馭者手與郎迴馬頭

同前

張籍

征人遙遙出古城雙輪齊動馬鳴山川無處無歸路
念君長作萬里行野田人稀秋草綠日暮放馬車中宿
驚麕遊兔在我傍獨唱鄉歌對僮僕君家大宅鳳城隅

年年道上隨行車願為玉鑾繫華軾終日有聲在君側
門前舊轍久已平無由復得君消息

同前

張祐

東方矐矐車軋軋地色不分新去轍閨門半掩牀半空
班班枕花殘淚紅君心若車千萬轉妾身如轍遺漸遠
碧川樓樓山宛宛馬蹄在耳輪在眼桑門女兒情不淺
莫道野蠶能作繭

同前

胡曾

自從車馬出門朝，便入空房守寂寥。
玉枕夜殘魚信絕，金鈿秋盡雁書遙。
臉邊楚雨臨風落，頭上春雲向日銷。
芳草又衰還不至，碧天霜冷轉無憀。

自君之出矣

孝武帝

漢徐幹有室思詩五章，其第三章曰：自君之出矣，明鏡暗不治。思君如流水，何有窮已時。自君之出矣，益起於此。齊虞羲亦謂思君去時行。

自君之出矣金翠闇無精思君如日月回還晝夜生

同前

劉義恭

自君之出矣綺縠不開思君如清風曉夜常徘徊

同前

顏師伯

自君之出矣芳帷低不舉思君如回雪流亂無端緒

同前

鮑令暉

自君之出矣臨軒不解顏砧杵夜不發高門晝恒闔帷
中流熠燿庭前華紫蘭物枯識節異鴻歸知客寒遊取

暮春盡餘思待君還

同前二首

王融

自君之出矣芳蕤絕瑤卮思君如形影寢興未曾離
自君之出矣金鑪香不然思君如明燭中宵空自煎

同前

虞羲

自君之出矣楊柳正依依君去無消息惟見黃鸝飛關
山多險阻士馬少光輝流年無止極君去何時歸

同前

范雲

自君之出矣羅帳咽秋風思君如蔓草連延不可窮

同前六首

陳後主

自君之出矣霜暉常夜明思君若風影來去不曾停
自君之出矣房空帷帳輕思君如晝燭懷心不見明
自君之出矣不分道無情思君若寒草零落故心生
自君之出矣塵網暗羅幃思君如落日無有暫還時
自君之出矣綠草遍階生思君如夜燭垂淚著雞鳴
自君之出矣愁顏難復覩思君如藥條夜夜只交苦

同前

賈馮吉

自君之出矣紅顏轉憔悴思君如明燭煎心且銜淚

同前

陳叔達

自君之出矣明鏡罷紅妝思君如夜燭煎淚幾千行

同前

李康代

自君之出矣梁塵靜不飛思君如滿月夜夜減容輝

同前

辛宏智

自君之出矣絃吹絕無聲思君如百草撩亂逐春生

同前

盧仝

自君之出矣壁上蜘蛛織近取見妾心夜夜無休息妾
有雙玉環寄君表相憶環是妾之心玉是君之德馳情
增悴容蓄思損精力玉簫寒悽悽延想心惻惻風含霜
月明水泛碧天色此水有盡時此情無終極

同前

雍裕之

自君之出矣寶鏡為誰明思君如隴水長聞鳴咽聲

同前

張祐

自君之出矣萬物看成古千尋葦蘼枝爭奈長長苦

長相思

吳邁遠

古詩曰客從遠方來遺我一書札上言長
相思下言久離別李陵詩曰行人難久留
各言長相思蘇武詩曰生當復來歸死當長
相思長者久遠之辭言行人久戍寄書以遺
所思也古詩又曰客從遠方來遺我一端綺
文綵雙鴛鴦裁為合歡被著以長相思緣

以結不解謂被中著綿以致相思絲絲之
意故曰長相思也又有千里思與此相類
晨有行路客依依造門端人馬風塵色知從河塞還時我
有同棲結宦遊邯鄲將不異客子分飢復共寒煩君尺帛
書寸心從此殫遣妾長憔悴豈復歌笑顏簷隱千霜樹庭
枯十載蘭經春不舉袖秋落寧復看一見願道意君門已
九關虞卿棄相印擔簦為同歡閨陰欲早霜何事空盤桓

長相思

梁昭明太子

相思無終極長夜起嘆息徒見貌嬋

一作嬋

娟寧知心有

憶寸心無以因願附歸飛翼

同前二首

張率

長相思久離別美人之遠如兩絕獨延佇心中結望雲
雲去遠望鳥鳥飛滅空望終若斯珠淚不能雪

長相思久別離所思何在苦天垂鬱陶相望不得知玉
階月夕映羅帷羅帷風夜吹長思不能寢坐望天河移

同前二首

陳後主

長相思久相憶關山征戍何時極望風雲絕音息上林
書不歸迴紋徒自織羞將別後面還似初相識

長相思怨成悲蝶紫草樹連絲庭花飄散飛入帷帷中
看隻影對鏡歛雙眉兩見同見月兩別共春時

同前二首

徐陵

長相思望歸難傳聞奉詔戍皋蘭

一作傳制
戍皋蘭

龍城遠雁

門寒愁來瘦轉劇衣帶自然寬念君今不見

一作君今
念不見

誰為抱腰看

長相思好奉節夢裏恒啼悲不洩帳中起窗前髻柳絮
飛還聚遊絲斷後結欲見洛陽花如君隴頭雪

同前

蕭渾

長相思久離別新鶯參差條可結壺闌遠雁書絕對雲
恒憶陣看花復愁雪猶有望歸心流黃未剪裁

同前

陸瓊

長相思久離別一罷鴛文綺薦絕鴻已去柳堪結室冷
鏡疑冰庭幽花似雪容貌朝朝改書字看看減

同前

王璫

長相思久離別兩心同憶不相徹悲風淒淒

一作淒淒

愁雲結

柳葉眉上銷菱花鏡中減雁封歸飛斷鯉素還流絕

同前

江總

長相思久離別征夫去遠芳音減湘水深隴頭咽紅羅
斗帳裏綠綺清弦絕逶迤百尺樓愁思三秋結

長相思久別離春風送鶯入簷窺暗開脂粉弄花枝紅
樓千愁色玉筍兩行垂心心不相照望望何由知

同前

罷秋有餘慘還秋不覺溫詎知玉筵側長挂銷愁人

同前

郎大家宋氏

長相思久離別關山阻風烟絕臺上鏡文銷袖中書字
滅不見君形影何曾有懽悅

同前

蘇頲

君不見天津橋下東流水東望龍門北朝市楊柳青青
踈地垂桃紅李白花參差花參差柳堪結此時憶君心

斷絕

同前三首

李白

長相思在長安
絡緯秋啼金井欄
微霜淒淒筆色寒
孤燈不明思欲絕
卷幃望月空長嘆
美人如花隔雲端

一作

佳期迢迢
隔雲端

上有青冥之長天
下有綠水之波瀾
天長路

遠雲飛苦夢魂不到關山難
長相思摧心肝

日色已盡花含烟
月明欲素愁不眠
趙瑟初停鳳凰柱
蜀琴欲奏鴛鴦弦
此曲有意無人傳
願隨春風寄燕然

憶君迢迢隔青天昔日橫波目今成流淚泉不信妾腸斷歸來看取明鏡前

美人在時花滿堂美人去後空餘牀牀中繡被卷不寢至今三載猶聞香香亦竟不滅人亦竟不來相思黃葉落白露點青苔

同前

張繼

遼陽望河縣白首無由

一作人

見海上珊瑚枝年年寄春

薦

同前二首

令狐楚

君行登隴上，妾夢在閨中。
玉箸千行落，銀牀一半空。
綺席春眠覺，紗窗曉望迷。
朦朧殘夢裏，猶自在遼西。

同前

白居易

九月西風興，月冷霜

一作露

華凝。思君秋夜長，一夜魂九

升。二月東風來，草坼花心開。
思君春日遲，一夜腸九迴。
君住洛橋北，君住洛橋南。
十五即相識，今年二十三。
有如蘿草生在松之側，蔓短枝苦高，縈迴上不得。人言

人有願願至天必成願作遠方獸步步比肩行願作深山木枝枝連理生

千里思

祖叔辨

細君辭漢宇王嫱即虜衛寂寂人逕阻迢迢天路殊憂來似懸旆淚下若連珠無因上林雁但見邊城蕪

同前

李白

李陵沒胡沙蘇武還漢家迢迢五原關朔雪亂邊花

一作

愁見雪如花

一去隔絕域思歸但長嗟鴻雁向西北飛

一作目

書報天涯

同前

李端

涼州風月美遙望居延路
泛泛下天雲青青緣寒樹
燕山蘇武上海島田橫住
更是草生時行人出門去

樂府詩集卷六十九

欽定四庫全書

樂府詩集卷七十

宋 郭茂倩 輯

雜曲歌辭

行路難十九首

鮑 照

樂府解題曰行路難備言世路艱難及離別悲傷之意多以君不見為首按陳武別傳曰武常牧羊諸家牧豎有知歌謠者武

遂學行路難則所起亦速矣唐王昌齡又

有變行路難

奉君金卮

一作區

之美酒瑋瑁玉匣之彫琴七綵芙蓉之

羽帳九華蒲萄之錦衾紅顏零落歲將暮寒光宛轉時
欲沉願君裁悲且減思聽我抵節行路吟不見柏梁銅
雀上寧聞古時清吹音

洛陽名工鑄為金博山千斲萬鏤上刻秦女攜手仙承
君清夜之歡娛

一作娛樂

列置幃裏明燭前外發龍鱗之丹

綵內含蘭芬之紫烟如今君心一朝異對此長嘆終百
年

璿閨玉墀上椒閣文牕繡戶垂綺幕中有一人字金蘭

被服纖羅縕

一作采

芳藿春驚差池風散梅開幃對影弄

禽

一作春

爵含歌攬涕恒抱愁人生幾時得為樂寧作野

中之雙鳬不願雲間之別鶴

一作鵠

瀉水置平地各自東西南北流人生亦有命安能行歎

復坐愁酌酒以自寬舉杯斷絕歌路難心非木石豈無

感吞聲躑躅不敢言

君不見河邊草冬時枯死春滿道君不見城上日今暝
沒山去明朝復更出今我何時當得然一去永滅入黃
泉人生苦多懽樂少意氣敷腴在盛年且願得志數相
就牀頭恒有酤酒錢功名竹帛非我事存亡貴賤委皇
天

對案不能食拔劍擊柱長歎息丈夫生世能一作會幾時

安能疊變垂羽翼棄檄罷官去還家自休息朝出與親

辭算還在親側弄兒牀前戲看婦機中織自古聖賢盡
貧賤何況我輩孤且直

愁思忽而至跨馬出北門舉頭四顧望但見松柏園荆
棘鬱蹲蹲中有一鳥名杜鵑言是古時蜀帝魂聲音哀
苦鳴不息羽毛憔悴似人髣飛走樹間啄蟲蟻豈憶往

日天子尊念此死生變化非常理中心惻愴不能言

中庭五株桃一株先作花陽春沃若

一作妖治

二三月

一作二月

中從風簸蕩落西家西家思婦見悲

一作見之

惋零淚沾衣

撫心歎初我送君出戶時何言淹留節迴換牀席生塵
明鏡垢纖腰瘦削髮蓬亂人生不得恒稱意悵惆徙倚
至夜半

劉蕤染黃絲黃絲歷亂不可治我昔與君始相值爾時

自謂可君意結帶與我言死生好惡不相置

一作結帶與君何死

生好惡不擬相棄置

今日見我顏色衰意中索寞

一作錯亂

與先異還

君金釵瑋瑁簪不忍見之益愁思

君不見薜華不終朝須臾淹冉零落銷盛年妖豔浮華

輩不久亦當詣冢頭一去無還期千秋萬歲無音詞孤
魂煢煢空隴間獨魄徘徊遶墳基但聞風聲野鳥吟豈
憶平生盛年時為此令人多悲悵君當縱意自熙怡
君不見枯籜走階庭何時復青著故莖君不見亡靈蒙
享祀何時傾盃竭壺罌君當見此起憂思寧反得與時
人爭生人倏忽如絕電華年盛德幾時見但令縱意存
高尚旨酒佳肴相胥讌持此從朝竟夕算差得忘憂消
愁怖胡為惆悵不能已難盡此曲令君忤

今年陽初花滿林明年冬末雪盈岑推移代謝紛交轉
我君邊戍獨稽沉執袂分別已三載邇來淹寂無分音
朝悲慘慘遂成滴算思遶遶最傷心膏沐芳餘久不御
蓬首亂鬢不設簪徒飛輕埃舞空帷粧篋黛器靡復遺
自生留世苦不幸心中惕惕恒懷悲

春禽啾啾旦暮鳴最傷君子憂思情我初辭家從軍僑
榮志溢氣干雲霄流浪漸再經三齡忽有白髮素鬢生
今算臨水拔已盡明日對鏡復已盈恐羈死為客思寄

滅生死空精每懷舊鄉野念我舊人多悲聲忽見過客
問何我寧知我家在南城答云我曾居君鄉知君遊宦
在此城我行離邑已萬里今方羈役去遠征來時聞君
婦閨中孀居獨宿有貞名

亦云朝悲泣閒房又聞暮思淚沾裳形容憔悴非昔悅
蓬鬢衰顏不復妝見此令人有餘悲當願君懷不暫忘
君不見少壯從軍去白首流離不得還故鄉窅窅日夜
隔音塵斷絕阻河關朔風蕭條白雲飛胡笳哀急邊氣

寒聽此愁人兮奈何登山遠望得畱顏將死胡馬跡寧
見妻子難男兒生世輒軻欲何道綿憂摧抑起長歎
君不見柏梁臺今日丘墟生草萊君不見阿房宮寒雲
澤雉棲其中歌妓舞女今誰在高墳壘壘滿山隅長袖
紛紛徒競世非我昔時千金軀隨酒逐樂任意去莫令
含歎下黃壚

君不見水上霜表裏陰且寒雖蒙朝日照信得幾時安
民生固如此誰令摧折彊相看年去年來自如削白髮

零落不勝冠

君不見春鳥初至時百草含青俱作花寒風蕭索

一作條

一旦至竟得幾時保光華日月流邁不相饒令我愁思
怨恨多

諸君莫歎貧富貴不由人丈夫四十彊而仕余當二十
弱冠辰莫言草木萎大雪會應蘇息遇陽春對酒叙長
篇窮途命運委皇天但願樽中

一作金樽

九醞滿莫惜牀頭

百箇錢直須優游卒一歲何勞辛苦事百年

同前

僧寶月

君不見孤雁闌外發酸嘶度揚越空城客子心腸斷幽
閨思婦氣欲絕凝霜夜下拂羅衣浮雲中斷開明月夜
夜遙遙徒相思年年望望情不歇寄我匣中青銅鏡倩
人為君除白髮行路難行路難夜聞城南漢使度使我
流淚憶長安

同前四首

吳均

洞庭水上一株桐經霜觸浪困嚴風昔時抽心曜白日

今旦卧死黃沙中洛陽名士見咨嗟一剪一刻作琵琶
白壁規心學明月珊瑚映面作風花帝王見賞不見忘
提攜把握登建章掩抑摧藏張女彈殷勤促柱楚明光
年年月月對君王遙遙夜夜宿未央未央綵女棄鳴篳
爭先拂拭生光儀茱萸錦衣玉作匣安念昔日枯樹枝
不學衡山南嶺桂至今千載猶未知

青瑣門外安石榴連枝接葉夾御溝金墉城西合歡樹
垂條照綵拂鳳樓遊俠少年游上路傾心顛倒相戀慕

摩頂至足買片言開胸瀝膽取一顧自言家在趙邯鄲
翩翩舌杪復劒端青驪白駿的盧馬金羈綠控紫絲鞵
蹀躞橫行不肯進夜夜汗血至長安長安城中諸貴臣
爭貴儒者席上珍復聞梁王好學問輕棄劒客如埃塵
吾丘壽王始得意司馬相如適被申大才大辯尚如此
何況我輩輕薄人

君不見西陵田從橫十字成陌阡君不見東郊道荒涼
蕪沒起寒煙盡是昔日帝王處歌姬舞女達天曙今日

翩妍少年子不知華盛落前去吐心吐氣許他人今日
迴惑生猶豫山中桂樹自有枝心中方寸自相知何言
歲月忽若馳君之情意與我離還君玳瑁金雀釵不忍
見此便心危

君不見上林苑中客冰羅霧縠象牙席盡是得意忘言
者探腸見膽無所惜白酒甜鹽甘如乳綠觴皎鏡華如
碧少年持名不肯嘗安知白駒應過隙博山鑪中百和
香鬱金蘇合及都梁逶迤好氣佳容貌經過青瑣歷紫

房已入中山馮后帳復上皇帝班姬牀班姬失寵顏不
開奉帚供養長信臺日暮耿耿不能寐秋風切切四面
來玉階行路生細草金鑪香炭變成灰得意失意須臾
頃非君方寸逆所裁

同前二首

費昶

君不見長安客舍門倡家少女名桃根貧窮夜紡無燈
燭何言一朝奉至尊至尊離宮百餘處十門萬戶不知
曙唯聞啞啞城上烏玉闌金井牽轆轤丹梁翠柱飛屠

一作流

蘇香薪桂火炊雕胡

一作彫胡

當年翻覆無常定薄命

為女何必麤

君不見人生百年如流電心中坎壈君不見我昔初入

椒房時詎減班姬與飛燕朝踰金梯上鳳樓算下瓊鉤

息鸞殿柏臺

一作梁

晝夜香錦帳自飄颻笙歌膝上

一作席

吹琵琶陌上桑過蒙恩所賜餘光曲沾被既逢陰后不

自專復值程姬有所避黃河千年始一清微軀再逢永

無議娥眉偃月徒自妍傳粉施朱欲誰為不如天淵水

中鳥雙去雙歸長比翅

同前

王筠

千門皆閉夜何央百憂俱集斷人腸
探揣箱中取刀尺拂拭機上斷流黃
情人逐情雖可恨傷畏邊遠乏衣裳
已綵一蠶催衣縷復擣百和薰衣香
猶憶去時腰大小不知今日身短長
襖襠雙心共一袂袖複兩邊作八撮
襟帶雖安不忍縫開孔裁穿猶未達
胸前却月兩相連本照君心不照天
願君分明得此意勿復流蕩不如先

含悲含怨判不死封情忍思待明年

同前

盧照隣

君不見長安城北渭橋邊枯木橫槎卧古田昔日含紅
復含紫常時留霧亦留烟春景春風花似雪香車玉輦
恒闌咽若個遊人不競攀若個倡家不來折倡家寶袂
蛟龍帔公子銀鞍千萬騎黃鸝一向花嬌春兩兩三三
將子戲千尺長條百尺枝丹桂青榆相蔽虧珊瑚葉上
鴛鴦鳥鳳巢裏鵲鵲兒巢傾枝折鳳歸去條枯葉落

狂風吹一朝零落無人問萬古摧殘君詎知人生貴賤
無終始倏忽須臾難久恃誰家能駐西山日誰家能偃
東流水漢家陵樹滿秦川行來行去盡哀憐自惜公卿
二十石咸擬榮華一萬年不見朱唇將白貌惟聞素棘
與黃泉金貂有時須換酒玉麈但搖莫計錢寄言坐客
神仙署一生一死交情處蒼龍闕下君不來白鶴山前
我應去雲間海上邈難期赤心會合在何時但願堯年
一百萬長作

一作與

巢由也不辭

同前

張紘

君不見溫家玉鏡臺提攜把握九重來君不見相如綠
綺琴一撫一拍鳳凰音人生意氣須及早莫負當年行
樂心荆王奏曲楚妃歎曲盡歡終夜將半朱樓銀閣正
平生碧草青苔坐蕪淪當春對酒不須疑視日相看能
幾時春風吹盡鶯初至此時自為稱君意秋露委草鴻
始歸此時衰暮與君違人生翻覆何常定誰保容顏無
是非

同前五首

賀蘭進明

君不見崑山下井百尺不及泉君不見山上蒿數寸凌雲
烟人生相命亦如此何苦太息自憂煎但願親友長含
笑相逢莫吝杖頭錢寒夜邀歡須秉燭豈得空思花柳
年

君不見門前柳絮曜暫時蕭索久君不見陌上花狂風
吹去落誰家誰家思婦見之歎蓬首不梳心歷亂盛年
夫壻長別離歲暮相逢色凋換

君不見荒樹枝春花落盡蜂不窺君不見梁上泥秋風
始高燕不棲蕩子從軍事征戰蛾眉嬋娟空守閨獨宿
自然堪下淚況復時聞烏夜啼

君不見雲間月暫盈還復缺君不見林下風聲遠意難
窮親故平生欲聚散歡娛未盡樽酒空自歎青青陵上
柏歲寒能與幾人同

君不見東流水一去無窮已君不見西郊雲日夕空氣
氤羣雁徘徊不能去一雁悲鳴復失羣人生結交在終

始莫為升沉中路分

同前

崔顥

君不見建章宮中金明枝萬萬長條拂地垂二月三月
花如霰九重幽深君不見艷彩朝含四寶宮香風吹入
朝雲殿漢家宮女春未闌愛此芳香朝暮看看去看來
心不忘攀折將安鏡臺上雙雙素手剪不成兩兩紅妝
笑相向建章昨夜起春風一花飛落長信殿長信麗人
見花泣憶此珍樹何嗟及我昔初在昭陽時朝折暮折

登玉墀祇言歲歲長相對不寤今朝遙相思

欽定四庫全書

卷七十

樂府詩集卷七十

欽定四庫全書

樂府詩集卷七十一

宋 郭茂倩 輯

雜曲歌辭

行路難三首

李 白

金樽清酒斗十千，玉盤珍羞直萬錢。
停杯投箸不能食，拔劍四顧心茫然。
欲渡黃河水塞川，將登太行雪暗天。
閒來垂釣坐溪上，忽復乘舟夢日邊。
行路難，行路難，多

歧路今安在長風破浪會有時直挂雲帆濟滄海

大道如青天我獨不得出羞逐長安社中兒赤雞白狗

一作雄

賭梨栗彈劍作歌奏苦聲曳裾王門不稱情淮陰

市井笑韓信漢朝公卿忌賈生君不見昔時燕家重郭

隗擁篲折腰

一作節

無嫌猜劇辛樂毅感恩分輸肝剖膽

効英才昭王白骨縈蔓草誰人更掃黃金臺行路難歸
去來

有耳莫洗潁川水有口莫食首陽薇含光混世貴無名

何用孤高比雲月吾觀自古賢達人功成不退皆殞身
子胥既棄吳江上屈原終投湘水濱陸機才多豈自保
李斯稅駕苦不早華亭鶴唳詎可聞上蔡蒼鷹何足道
君不見吳中張翰稱一作真達士秋風忽憶江東行且樂
生前一杯酒何須身後千載名

同前三首

顧況

君不見古來燒水銀變作北邙山上塵藕絲掛身在虛
空欲落不落愁殺人睢水英雄多血刃建章宮闕成灰

燼淮王身死桂枝折徐氏一去音書絕行路難行路難
生死皆由天秦皇漢武遭不脫汝獨何人學神仙

君不見見擔雪塞井徒用力炊砂作飯豈堪喫一生肝膽
向人盡相識不如不相識冬青樹上挂凌霄歲宴花凋
樹不彫凡物各自有根本種禾終不生豆苗行路難行
路難何處是平道中心無事當富貴今日覺君顏色好
君不見少年頭上如雲髮少壯如雲老如雪豈知灌頂
有醍醐能使清涼頭不熱呂梁之水挂飛流黿鼉蛟蜃

不敢游少年恃險若平地獨倚長劍凌清秋行路難行
路難昔少年今已老前朝竹帛事皆空日莫牛羊古城
草

同前

李頎

漢家名臣楊德祖四代五公享茅土父兄弟綰銀黃
躍馬鳴珂朝建章火浣單衣繡方領茱萸錦帶玉盤囊
賓客填街復滿座片言出口生輝光世人逐勢爭奔走
憑膽隳肝唯恐後當時一顧生青雲自謂生死長隨君

一朝謝病還鄉里窮巷蒼茫絕知己秋風落葉閉重門
昨日論交竟誰是薄俗嗟嗟難重陳深山麋鹿可為隣
魯連所以蹈滄海古往今來稱達人

同前二首

高適

君不見富家翁昔時貧賤誰比數一朝金多結豪貴萬
事勝人健如虎子孫成長滿眼前妻能管絃妾能舞自
矜一朝忽如此卻笑侑人獨悲一作愁苦東隣少年安所
如席門窮巷出無車有才不肯學干謁何用年年空讀

書

長安少年不少錢，能騎駿馬鳴金鞭。
五侯相逢大道邊，美人絃管爭留連。
黃金如斗不敢惜，片言如山莫棄捐。
安知顛顚讀書者，暮宿虛臺私自憐。

同前

張籍

湘東行人長歎息，十年離家歸未得。
弊裘羸馬苦難行，僮僕饑寒少筋力。
君不見牀頭黃金盡，壯士無顏色。
龍蟠泥中未有雲，不能生彼昇天翼。

同前

聶夷中

莫言行路難夷狄如中國謂言骨肉親中門如異域出處全在人路亦無通塞門前兩條轍何處去不得

同前

韋應物

荆山之白玉兮良工瑀琢雙環連月蝕中央鏡心穿故人贈妾初相結恩在環中尋不絕人情厚薄苦須臾昔似連環今似玦連環可碎不可離如何物在人自移上客勿遽飲聽妾歌路難傍人見環環可憐不知中有長

恨端

同前三首

柳宗元

君不見夸父逐日窺虞淵跳踉北海超崑崙披雲決漢
出沆漭瞥裂左右遺星辰須臾力盡道渴死狐鼠蜂蟻
爭噬吞北方竚人長九寸開口抵掌更笑啾啾飲食
滴與粒生死亦足終天年睢盱大志少成遂坐使兒女
相悲憐

虞衡斤斧羅千山工命採斫杙與榱深林土翦十取一

百牛連鞅推雙轅萬圍千尋妨道路東西蹶倒山火焚
遺餘毫末不見保蹢躅礪壑何當存羣材未成質已天
突兀嶠豁空岳巒柏梁天災武庫火匠石狼顧相愁冤
君不見南山棟梁益稀少愛材養育誰復論

飛雪斷道冰成梁侯家熾炭雕玉房蟠龍吐耀虎喙張
熊蹲豹躡爭低昂攢巒蔽嶂射朱光丹霞翠霧飄奇香
美人四向迴明璫雪山冰谷晞太陽星躔奔走不得止
奄忽雙鸞棲虹梁風臺露榭生光飾死灰棄置參與商

盛時一去貴反賤桃笙葵扇安可常

同前

鮑溶

玉堂向夕如無人絲竹儼然宮商死細人何言入君耳
塵生金樽酒如水君今不念歲蹉跎雁天明明涼露多
華燈青凝久照夜綵童窈窕虛垂羅入宮見妬君不察
莫入此地出風波此時不樂早休息女顏易老君如何

同前五首

僧貫休

不會當時

初一作

作天地剛有多般愚與智到頭還用真

宰心何如上下皆清氣大道冥冥不知處那堪頓得義
和轡義不義兮仁不仁擬學長生更容易負心為爐復
為火緣木求魚應且止君不見燒金煉石古帝王鬼火
熒熒白楊裏

君不見道傍廢井生古木本是驕奢貴人屋幾度美人
照影來素綆銀瓶濯纖玉雲飛雨散今如此繡闥雕甍
作荒谷沸渭笙歌君莫誇不應長是西家哭休說遺編
行者幾至竟終湏合天理敗他成此亦何功蘇張終作

多言鬼行路難行路難不在羊腸裏

九有茫茫共堯日浪死虛生亦非一清淨玄音竟不聞
花眼酒腸暗如漆或偶因片言隻字登第光二親又不
能獻可替否航要津口談義軒與周孔履行不及屠沽
人行路難行路難日暮途遠空悲歎

君不見道傍樹有寄生枝青青鬱鬱同榮衰無情之物
尚如此為人不及還堪悲父歸墳兮未朝夕已分黃金
爭田宅高堂老母頭似霜心作數支淚常滴我聞忽如

負芒刺不獨為君空歎息古人尺布猶可縫潯陽義大
令人憶寄言世上為人子孝義團圓莫如此若如此不
端死兮更何俟

君不見山高海深人不測古往今來轉青碧淺近輕浮

莫與交池

一作地

卑只解生荆棘誰道黃金如糞土張耳

陳餘斷消息行路難行路難君自看

同前二首

僧齊已

行路難君好看驚波不在點點間小人心裏藏奔湍七

盤九折寒嶠崿翻車倒蓋猶堪出未似是非唇舌危閣
中潛毀平人骨君不見楚靈均千古沉寃湘水濱又不
見李太白一朝卻作江南客

下浸與高盤不為行路難是非真險惡翻覆作峰巒漆
媿同時黑朱慚巧處丹令人畏相識欲畫白雲看

同前

翁綬

行路艱難不復歌故人榮達我蹉跎雙輪晚上銅梁作
臺雪一葉春浮瘴海波自古要津皆若此方今失路欲

如何君看西漢程丞相鳳沼朝辭算雀羅

同前

薛能

何處力堪殫人心險萬端藏山難測度暗水自波瀾對
面如千里迴腸似七盤已經吳坂困欲向雁門難南北
誠須泣高深不可干無因善行止車轍得平安

從軍中行路難二首

駱賓王

君不見封狐雄虺自成羣馮深負固結妖氛玉璽分別
徵惡少金壇受律動將軍將軍擁旄宣廟略戰士橫行

靜夷落長驅一息背銅梁直指三巴逾劍閣閣道峒堯
上戍樓劒門遙裔俯靈丘卽闕九折無平路江水雙源
有急流征役無期返他鄉歲華晚杳杳丘陵出蒼蒼林
薄遠途危紫蓋峰路澀青泥坂去去指哀牢行行入不
毛絕壁千里險連山四望高中外分區宇夷夏殊風土
交趾枕南荒昆彌臨北戶川源饒毒霧溪谷多淫雨行
潦四時流崩查千歲古漂梗飛蓬不自安捫藤引葛度
危巒昔時聞道從軍樂今日方知行路難蒼江綠水東

流駛炎洲丹徼南中地南中斗映星河秦川秦塞阻
烟波三春邊地風光少五月瀘中瘴癘多朝驅疲斥候
夕息倦誰何向月彎繁弱連星轉太阿重義輕生懷一
顧東伐西征凡幾度夜夜朝朝班鬢新年年歲歲戎衣
故瀘城隅滇池水天涯望轉積地際行無已徒覺炎涼
節物非不知關山千萬里棄置勿重陳重陳多苦辛且
悅清笳楊柳曲詎憶芳園桃李人絳節朱旗分白羽丹
心白刃酬明主但令一技君王識誰憚三邊征戰苦行

路難行路難歧路幾千端無復歸雲馮短翰望日想長
安

君不見玉關塵色暗邊亭銅鞮雜虜寇長城天子按劍
徵餘勇將軍受脤事橫行七德龍韜開玉帳千里鼙鼓
疊金鉦陰山苦霧埋高壘交河孤月照連營去去無窮
極擁旆遙遙過絕國陣雲朝結晦天山寒沙夕漲迷疎
勒龍鱗水上開魚貫馬首山前振鵬翼長驅萬里讐祁
連分麾三命武功宣百發烏號遙碎柳七尺龍交迴照

蓮春來秋去移灰琯蘭閨柳市芳塵斷雁門迢遞尺書
稀鴛被相思雙帶緩行路難誓令氛祲靜皋蘭但使封
侯龍額貴詎隨中婦鳳樓寒

變行路難

王昌齡

向晚橫吹悲風動馬嘶合前驅引旗

一作旌

節千里陣雲

帟單于下陰山砂礫空颯颯封侯取一戰豈復念閨閭

古別離

江淹

楚辭曰悲莫悲兮生別離古詩曰行行重

行行與君生別離相去萬餘里各在天一
涯後蘇武使匈奴李陵與之詩曰良時不
可再離別在須臾故後人擬之為古別離
梁簡文帝又為生別離宋吳邁遠有長別
離唐李白有遠別離亦皆類此

遠與君別者乃至雁門關黃雲蔽千里遊子何時還送
君如昨日簷前露已團不惜蕙草晚所悲道里寒君在
天一涯妾身長別離願一見顏色不異瓊樹枝兔絲及

水萍所寄終不移

同前

沈佺期

白水東悠悠中有西行舟
舟行有返棹水去無還流
奈何生別者戚戚懷遠遊
遠遊誰當惜所悲會難收
自君聞芳躡青陽四五道
皓月掩蘭室光風虛蕙樓
相思無明晦長歎累冬秋
離居分遲暮高駕何淹留

同前

孟雲卿

朝日上高臺離人怨秋草
但見萬里天不見萬里道
君

行本遙遠苦樂良難保宿昔夢同衾憂心夢顛倒含酸
欲誰訴轉轉傷懷抱結髮年已遲征行去何早寒暄有
時謝顛顛難再好人皆算年壽死者何曾老少壯無見
期水深風浩浩

同前

李益

雙劍欲別風

一作心

淒然雌沉水底雄上天江迴漢轉兩

不見雲交雨合知何年古來萬事皆由命何用臨涕苦
相連

同前二首

于瀆

入室少情意出門多歧路黃鶴有歸日蕩子無還時人
誰無分命妾身何太奇君為東南風妾作西北枝青樓
隣里婦終年畫長眉自倚對良匹笑妾空羅幃

郎本東家兒妾本西家女對門中道間終謂無離阻豈
知中道間遣作空閨主自是愛封侯非關備胡虜知子
去從軍何處無良人

同前二首

李端

水國葉黃時洞庭霜落夜行舟聞商估宿在楓林下此
地送君還茫茫似夢間後期知幾日前路轉多山巫峽
通湘浦迢迢隔雲雨天晴見海檣月落聞津鼓人老自
多愁水深難急流清宵歌一曲白首對汀洲

與君桂陽別令君岳陽待後事忽差池前期日空在木
落雁嗷嗷洞庭波浪高遠山雲似蓋極浦樹如毫朝發
能幾里算來風又起如何兩處愁皆在孤舟裏昨夜天
月明長川寒且清菊花開欲盡薺菜泊來生下江帆勢

速五兩遙相逐欲問去時人知投何處宿空令猿嘯時
泣對湘潭竹

同前

王 縉

下階欲離別相對映蘭麝含辭未及吐淚落蘭麝中高
堂靜秋日羅衣飄草風誰能待明月迴首見牀空

同前

僧皎然

太湖三山口吳王在時道寂寞千載心無人見春草誰
堪緘怨者持此傷懷抱孤舟畏狂風一點宿烟島望所

思兮若何月蕩漾兮空波雲離離兮北斷雁眇眇兮南
多身去兮天畔心折兮湖岸春山胡為兮塞路使我歸
夢兮撩亂

同前

聶夷中

欲別牽郎衣問郎遊何處不恨歸日遲莫向臨邛去

同前二首

施肩吾

古人謾歌西飛燕十年不見狂夫面三更風作切夢刀
萬轉愁成繫腸線所嗟不及牛女星一年一度得相見

老母別愛子少妻送征郎血流既四面乃亦斷二腸不
愁寒無衣不怕饑無糧惟恐征戰不還鄉母化為鬼妻
為孀

同前

吳融

紫燕黃鸝雖別離一舉千里何難追猶聞啼風與叫月
流連斷續令人悲賦情更有深繾綣碧甃千尋尚為淺
蟾蜍正向清夜流蛺蝶須教墮絲罽莫道斷絲不可續
丹穴鳳凰膠不遠草草通流水不迴海上兩潮長自返

樂府詩集卷七十一